




內閣文庫  
 漢 1421  
 冊數 2(1)  
 函號 288 33

62

內閣文庫  
 番號 漢 1421  
 冊數 2(1)  
 函號 288 33



光緒庚辰蒲夏開刷

全臺輿圖

版存福建臺灣道庫

歲在癸卯  
庚申初吉  
開金

全臺輿圖序


古人右史左圖觀覽並重蕭何入關首收圖籍蓋凡道途險阻山川扼塞非圖莫周悉也臺灣海外荒島耳鄭氏納土逾二百年半線以北關及彰化淡水噶瑪蘭已入山後今則自蘇灣岐萊秀孤巒卑南覓以逮琅琦恆春拔木通道殫盡人力幾及千里郡志舊圖付之狃榛莫攷獻綸備兵來此適值海疆多事

朝廷遂有開山撫番之命臺之南北遞歲周巡轍迹所由多涉無人之境而內山道途形勢爲從古方輿所不誌獻綸則欲詳悉爲圖俾回曲寫遠瞭然尺幅而民番生聚村落

聯屬咸有所稽因命山陰余二尹寵周歷各屬創爲之圖  
凡再易寒暑始竣而後山圖又數易惟嘉應王君熊彪有  
稿爲優並採用之番社取其已歸化備檔案者臚列之餘  
難悉數又屬閩縣王廣文元穉爲之纂校獻綸復參酌審  
定圖成計得幅大小凡十有一說畧稱是付之剞劂以補  
志乘未備曩赭寇之平江蘇開局刊行輿圖最爲詳贍臺  
郡荒僻固相懸殊又苦海外載籍荒落圖之疎略殆所不  
免後之留心經世者更從而攷訂擴充之是則所厚望也  
夫是爲序


光緒五年歲在己卯孟夏

誥授通奉大夫布政使銜分巡臺灣等處兵備道兼按察使銜  
提督學政新建夏獻綸撰



繪圖委員候補從  
九品余寵監刊刷

臺灣輿圖




全臺前後山小總圖

每一度六十分作直地二百五十里

驛路迂曲不在此例

兵備與經緯四限

羅盤方



北極出地緯綫三十三度

北極出地緯綫三十三度



臺灣地圖

總圖

臺灣縣圖

臺灣縣圖

分圖

三


臺灣縣圖

臺灣府臺灣縣分圖一

每方一格準作地十里

衙署从 [ ] 塘汎从 [ ] 番屯从 [ ]  
營哨从 [ ] 隘寮从 [ ] 路徑从 [ ]

羅盤方





臺灣縣輿圖

說略

臺灣海外島嶼距福建省會一千二百里

輪船量水表測量實九百里

澎湖二百四十里

實一百七十五里

廈門四百二十里

實四百九十五里

自古未闢荒土也前明始知其地

國朝順治十六年鄭成功自江甯敗歸遂踞之偽設郡縣康

熙二十二年成功之孫克塽歸降

廷議設府一領縣三曰臺灣曰鳳山曰諸羅臺灣實附府郭

邑治土地鬆浮局勢隘窄東南北三面沙多土少西南臨

海不若嘉彰之平疇廣沃出南門行由大橋頭歷大林庄

營盤口而至二層行者南達鳳山之大路也出北門迤東

北行由柴頭港潔仔底歷看西木柵而至曾文溪者北達

嘉義之大路也縣之東有羅漢外門曾為逆賊朱一貴負

嵎雍正九年移縣丞以分防嗣改縣丞為巡檢今議裁大

武壠者為臺嘉分界之區素作盜藪亦設巡檢以駐之羅

漢外門迫近內山羣峯羅列若木岡銀錠土樓魁斗諸山

均在縣南邑志稱之實祇培塿耳縣西十里濱臨大海有

市鎮曰安平前阻汪洋非船莫渡今已積沙成地建造輿

梁昔之隙仔港即今之洲仔尾在鹿耳門北距縣治十五

里前可泊巨舟百餘艘今復淤為陸地所謂滄海桑田者

非歟同治十三年海氛不靖始議於安平之三鯤身倣造  
 西洋駁臺郡港無內澳鹿耳門昔可容巨舟出入今已淤  
 淺改泊四草湖安平巨浪滔天夏秋尤劇俗名曰湧不風  
 而波排擊掀翻響聞數十里作時郡艘急駛澎湖或旂後  
 以避之雖泰西人之善駕駛語及安平海口無不目震心  
 駭此郡城之天險也地雖磽瘠而帆檣鱗集百物所聚風  
 氣頓開亦海外一大都會云

附錄道里

縣治往嘉義縣路程出北門 三里 柴頭港庄 二里 潔仔底 二

里 渡船頭 即三坎店 十里 看西街 二里 木柵庄 十三里 曾文溪

渡溪 三里 綜計三十五里入嘉義縣界

縣治往鳳山縣路程出南門 一里 大橋頭 二里 大林庄 五里

營盤口 五里 二層行溪 綜計十三里入鳳山縣界

縣治往羅漢內門路程出東門 五里 坎腳庄 二里 上崙庄 六

里 南保庄 七里 舊社庄 三里 咬狗溪寮 五里 打鹿洲埔 八

里 烏山庄 二里 內門庄 八里 茄冬崙 五里 中埔庄 七里 羅

漢門 綜計五十八里

鳳

山

縣

圖

臺灣縣圖

分圖

臺灣縣圖

臺灣府鳳山縣分圖二


每方一格準地平十里

衙署从□塘汎从□番屯从○  
營哨从○隘寨从○路徑从...

羅盤方



分圖



鳳山縣輿圖

說略

邑治舊在興隆里乾隆五十二年林爽文之亂莊大田應之躡縣城事平以縣城形勢非宜議徙於埤頭在郡南八十里初鄭氏納土鳳山乃毒瘴惡地令其邑者多不敢至今則南盡率苾溪北及二層行溪百餘里人民趨若鶩矣其地東北至瀾濃西至旂後東南沿海至率苾溪北岸東涉下淡水溪至阿猴街自阿猴而東南至內埔庄內埔庄有二路可通卑南覓詳恆春說略中率苾溪北行有枋寮汛焉僻處海濱漸近內山同治六年始議移設巡檢一員

由縣治北行六十七里為臺嘉交界之二層行溪溪常涸惟大雨可渡竹筏由瀾濃西行五里為旂尾屬臺鳳交界之旁徑由率苾溪以南為新設恆春縣境阿猴林者素為奸究出沒故設下淡水縣丞以駐之以上皆稱坦夷東南行三十里為東港街與新庄茄冬腳連界從山麓陸行可達枋寮處處依山多涉險峻城南三十里有鳳鼻山邑治所由名也後倚半屏前臨打鼓打鼓港即旂後口在縣西南十五里浪平可泊輪船近為通商口岸華洋雜處商賈雲集今築礮臺置戍守洵臺南之門戶也其餘沿海諸港半多壅塞惟東港水深丈許商船便於出入又有小琉球

與者在縣南六十里與東港對峙孤懸海中週圍約二十里居民三百四十餘戶男女二千餘口地不產五穀以捕魚兼蒔雜糧爲生光緒三年恐宵小之易於藏匿也亦屯兵戍守之下浚水溪在縣東二十里源發於大澤機西南諸山合旂尾瀾濃巴六萬丹九甲南平諸流滌洄數十里會赤山之冷水溝入於海自下浚水而下則曹公圳水利最溥灌田三萬餘畝水皆環繞埤城前縣令曹瑾倡捐疏濬故名大抵鳳山之地深山大海形勢雄壯安內攘外實爲臺南屏衛前此閩粵分居睚眦細故動成械鬪今則涵濡教化已歷年所羣聚州處不復互分氣類矣

附錄道里

縣治往郡城路程出南門 九里 大將廟 七里 太平橋 四里 楠

梓坑 十里 橋仔頭 八里 倒磚仔溪 二里 阿公店 二十里 大湖

七里 二層行溪 綜計六十七里入臺灣縣界

縣治往恆春縣路程出東門 五里 山仔頂庄 三里 芎蕉腳莊

七里 頂鳥鼠洲 三里 下鳥鼠洲 六里 王爺宮莊 四里 五房

洲庄 三里 東港街 四里 崙仔頂 五里 塭尾 五里 蘆竹塭 七

里 下寮 五里 枋寮 五里 幸芒溪 綜計六十二里入恆春

縣界

嘉義縣圖

臺灣輿圖

分圖


二

臺灣府嘉義縣分圖三

每方一格準作地平十里

衙署从□ 塘汎从□ 番屯从○  
營哨从○ 隘募从○ 路徑从

羅盤方





嘉義縣輿圖

說略

嘉義在府治東北一百里爲臺南北之要衝舊治曰諸羅在佳里興保康熙四十年移駐今地林爽文之亂臺灣廳縣相繼淪陷諸羅被困逾年民間絕食賊濟以米不受卒賴以全

高宗純皇帝以縣民守效死勿去之義

特詔改諸羅爲嘉義縣邑境田疇交錯形勢與彰化埒自南至北蜿蜒百餘里又分內外二路皆稱孔道自曾文溪厯茅港尾下茄冬迤東北至縣城涉牛稠溪打貓塘他里霧而之

虎尾溪者爲內路外路則沿曾文溪而出蕭壠麻豆厯鹽水港笨港南港新港逶迤北轉而達虎尾溪者須遵厯海墘縣東南七十里與臺邑交界曰大武隴設巡檢一員東北四十里曰斗六門設縣丞一員分資治理邑有火山者在迤東四十里常有發上騰或云磺氣所凝聚故下瀦溫泉又有阿里山在火山之東勢甚遼闊中處歸化生番素稱馴順海口之在邑北者曰笨港駐縣丞南曰鹽水港卽佳里興駐巡檢而布袋嘴猴樹港介其間惟布袋嘴較深巨舟可入曾文急水八槳牛稠虎尾諸溪源出內山夏秋時雨滂沱往來病涉亦人力難施也縣東北溝渠布列水

利流通物產五穀外果實最繁竹筍蒨檳榔籐芋皆利  
民生固採風者所不廢也

附錄道里

縣治往郡城路程出西門五里 鴿溪寮七里 水堀頭街七里

北屹四里 後壁寮七里 下茄冬五里 茄冬仔五里 仙草寮

五里 火燒店八里 竹仔腳七里 茅港尾七里 坎頂二里 曾

文溪 綜計六十九里入臺灣縣界

縣治往彰化縣路程出北門五里 牛稠溪八里 打貓街三里

虎尾寮四里 大莆林五里 興化店五里 他里霧五里 松仔

脚七里 虎尾溪渡溪二里 綜計四十四里入彰化縣界

縣治往斗六門路程三十里 他里霧四里 甲寮四里 九老爺二

里 斗六門 綜計四十里

彰化縣圖



彰化縣輿圖

說略

彰化舊隸諸羅負山臨海宅中居要設縣於雍正元年距郡城二百一十里地皆坦夷可耕邑南行歷二抱竹庄東螺街至荊桐巷者爲抵嘉義之通衢北行歷大肚街沙轆塘寓龍菁埔墘至大甲者爲抵淡水之通衢南投街在邑之東南四十里爲埔裏六社出入之途乾隆二十四年設縣丞今議歸鹿港改設巡檢邑東北二十里曰犁頭店街亦分設巡檢一員犁頭店附近揀東保沃野數十里最居形勝邑東南東北皆通埔裏六社語詳六社說略中溪流

之著者曰虎尾曰寶斗在邑之南曰大肚曰大甲在邑之北均發源內山流入於海大甲溪底多怪石春冬水平可涉夏秋驟漲波濤洄湧行人裹足稱天險焉其餘海口曰麥藁曰番挖曰鹿港曰福安曰梧棲均沙痕盤曲巨舟難攏洋船罕到梧棲口外有五條沙者舟行尤易擱淺鹿港最爲繁庶商賈輻輳昔駐同知其對渡爲泉州之蚶江海程之近無踰此者境內物產豐饒溝洫之利最溥惟是地廣民強海外素稱難治縣城無險足守築於平陸又有八卦山在城外東北隅俯瞰全城不得地利且幅員遼闊控馭難周後有議者其必如淡水分治以鹿港揀東爲建城

之所姑存其說以俟後來

附錄道里

縣治往嘉義縣路程出南門

四里 口庄 四里 茄冬庄 五里 燕

霧庄 七里

二抱竹庄 七里 挖仔庄 八里 寶斗街 八里 潮陽

厝 七里

樹仔腳 五里 刺桐巷 五里 虎尾溪 綜計六十里

入嘉義縣界

縣治往新竹縣路程出北門

五里 茄冬脚 七里 大肚街 八里

龍目井 七里

沙轆街 八里 牛罵頭 七里 青埔墘 三里 大甲

溪渡溪 五里

綜計五十里入新竹縣界

縣治往南投路程出北門

五里 大竹圍 五里 外快官 五里 內

快官 五里

竹林 五里 本縣庄 五里 月眉庄 五里 營盤口 五

里 南投庄 綜計四十里

縣治往鹿港路程出西門 三里 三塊厝 五里 馬鳴山 六里半

路庄 六里 鹿港十里至海 綜計三十里


# 新竹縣圖

臺北府新竹縣分圖五

每方一格準作地十里

衙署从口塘汎从口番屯从口  
營哨从○隘寮从○路徑从

向方盤羅



臺灣輿圖

分圖

三



新竹縣輿圖

說略

臺北分治亦天時人事所迫不容已者也淡水廳舊轄延  
袤三百四十餘里視內地實四五百里控制何以能周議  
始於光緒元年越四年歲己卯乃設官析土焉自大甲溪  
以北至頭重溪土牛溝以南爲縣轄卽廳城爲縣城解舍  
倉庫無易邑情形大約與淡水同內負崇山外臨大海大  
甲溪與彰化共見彰化縣說略中濱溪設大甲巡檢其餘  
溪港十餘而以吞霄後壠中港香山之源流爲最長惟水  
淺難泊巨舟故必以滬尾鷄籠通互易焉邑東南五十餘

里曰牛鬮山出產磺油現議開採境內土地肥饒廣輪沃  
衍藍鼎元平臺紀略稱竹塹埔有良田數千頃歷二百年  
益著其盛矣

附錄道里

縣治往彰化縣路程出西門 五里 牛埔庄 三里 香山塘 四里

下寮 三里 鹽水港 五里 老衢崎 五里 中港街 十里 山仔頂

五里 後壠街 五里 烏眉巷 五里 白沙墩 十里 吞霄街 八里

苑裏街 二里 房裏街 十里 大甲街 五里 大甲溪 綜計八

十五里入彰化縣界

縣治往淡水縣路程出北門 五里 舊社 三里 新社 五里 鳳山

崎 十里 大湖口街 四里 四脚亭 六里 崩坡 五里 楊梅壠 五

里 頭重溪 二里 土牛溝 綜計四十五里入淡水縣界

淡水縣圖

臺灣輿圖

分圖

三

臺灣輿圖

三



臺北府淡水縣分圖六

每方 格準作地平十里

衙署从□塘汛从□番屯从○  
營哨从○隘寨从○路徑从≡≡

羅盤方

北



臺灣總圖

分圖

二

淡水縣輿圖

說略

臺灣富庶以淡北稱最鄭氏以前未之聞康熙中既入版圖猶隸彰化雍正九年分設淡水同知治以大甲溪以北二百年來聲明文物甲於全臺先是同治十年同知陳培桂徇廳民之請有增設學額請陞直隸州之議未及行開山撫番事起乃推原其意議於北路裁淡水同知噶瑪蘭通判建臺北府一轄以三縣曰淡水曰新竹曰宜蘭一廳曰鷓籠通判兼理煤務淡水實為附郭之邑治於艋舺劃中懸以上至頭重溪土牛溝為淡新交界三貂溪以北仍

交宜蘭縣界艋舺當鷓籠龜崙兩山之間沃壤平原溪流環抱西至海口三十里直達八里坌滬尾兩口並有觀音大屯山以為屏障且與省城五虎門遙對非特淡蘭扼要之區實為全臺北門之管也中懸茄冬南坎磺溪諸小港外八里坌昔通今塞滬尾在邑治迤北三十里又折東六十里曰鷓籠滬尾盛潮約深一丈五六尺鷓籠過之近皆為互市之地距鷓籠十二里曰八斗實為產煤與區今招洋匠濬煤井倣西法以行之又有硫磺產於金包里冷水窟大磺山北投等處距艋舺近或二三十里遠或四五十里皆屬利源臺洋風帆靡常惟鷓籠四時可泊輪船放洋

歷六時許可抵花蓮港達後山者以此為便途近治十二  
里有新庄縣丞今議裁物產煤為巨宗茶亦利溥實始教  
種於同治初間設青樟腦糖蔗之屬尤多邇來風氣日闢  
百廢具興居然成一都會也

附錄道里

縣治往新竹縣路程出南門十二里新庄五里坡角庄十里龜

崙嶺十里桃仔園十里炭仔脚五里中壠新街三里中壠

溪十里土牛溝 綜計六十五里入新竹縣界

縣治往宜蘭縣路程出東門十二里錫口八里南港仔七里水

返脚八里五堵五里七堵庄三里八堵庄九里暖暖街十二

里三爪仔庄五里芋仔潭三里龍潭堵十五里三貂嶺二十

三貂溪 綜計一百二十里入宜蘭縣界

宜  
簡  
縣  
圖


臺灣輿圖

分圖

三

臺灣輿圖

三



往後山

大湖

小南澳溪

東澳溪宜岐交界

蘇海口 灣內水深三四丈不等灣外大洋水深  
十二丈遇西北風西南風均可泊船

加禮港  
馬寮港

北水程三十里

臺北府宜蘭縣分圖七

每方一格準作地平十里


衙署从□塘汛从□番屯从◇  
營哨从◎隘寮从○路徑从



淡水平縣界

三寮溪淡宜交界

羅盤方向



北



宜蘭縣輿圖

說略

宜蘭縣本噶瑪蘭舊地去臺北府治陸程一百九十里迤東而南僻處山後初名蛤仔難金筑周鍾瑄作諸羅縣志始見紀載乾隆中有漳民吳沙以墾務雄長其地從之者眾嘉慶十五年歸入版圖設通判一員專理民事維時百務草創隘募橋渡因地勢而布置村庄里保就畚語而譯成同治十三年開山撫番議起廳改爲縣名曰宜蘭邑治東面海西負山北界三貂溪南逮蘇澳自三貂溪遠望坑至草嶺西北林深菁密最稱險阻過嶺爲大里簡東望海

波洶湧萬水朝宗東北隅三十里海中浮巖曰龜山有居民置屯守草嶺迤東山若屏障海濱大石嶙峋中設一關曰北關設於蘇澳者曰南關屹立兩稱門戶蘇澳口水深四五丈可泊輪船惟防礁石南風北風二澳又爲蘇澳之門戶南風今置戍防柳鼻山在三貂溪口形同象鼻長十餘丈直插入海旁有小澳曰琉球澳礁險不容泊舟頭圍在邑東北三十里設縣丞羅東在邑東南二十里設巡檢今議裁自頭圍歷大坪林以達規尾街至艋舺者爲旁徑約程一百餘里較爲便捷生番聚處多在西南諸山向設隘寮二十餘處以防之蘇澳五里亭以南爲後山首途以

其地險少人行也改由海道直抵花蓮港登陸海口之著者曰三貂溪又名下雙溪為淡蘭交界之所曰草嶺腳溪曰大溪曰烏石港溪曰濁水溪曰馬賽溪曰大東澳皆發源於山流歸於海臺灣精華聚於北路蘭雖一隅膏壤充溢風氣日開洵扶輿磅礴之氣之有所發洩也

附錄道里

縣治往淡水縣路程出北門	二里	新庄	八里	四圍	五里	礁溪
十里	二圍	五里	頭圍	五里	烏石港	五里
北關	四里	硬坊	五里	里大溪	七里	番薯寮
五里	大里簡	五里	草嶺腳	十里	草嶺	頭
四里	草嶺仔	四里	牡丹坑	四里	遠望坑	五里
三貂溪	三貂溪	五里	三貂溪	五里	三貂溪	三貂溪
綜計九十三里入淡水縣界						
縣治往後山路程出南門	三里	民壯圍	七里	奇立坂	五里	溪
洲渡	五里	羅東街	六里	利澤簡	六里	猴猴庄
三里	馬賽港	三里	馬賽港	三里	馬賽港	馬賽港
五里	冬瓜山	十里	蘇澳	綜計五十里入後山界		
縣治自頭圍山路往淡水路程	三十里	頭圍	十里	樟林崙	一	

里 統嶺 七里 虎尾寮潭 七里 大粗坑 四里 崙仔洋 三里 石

亭 六里 枋仔林 三里 深坑渡 六里 樟腳 三里 六張犁 六里

梘尾街 八里 鯪舫 綜計一百三里



